



寶日堂初集卷之二十目錄

誥勅

太子太保吏部尚書張問達

少傅兼太子太傅兵部尚書王象乾

太子太保禮部尚書兼文淵閣大學士沈淮

太子太保工部尚書姚思仁

南京刑部尚書李長庚

禮部右侍郎兼翰林院侍讀學士張邦紀

禮部右侍郎兼翰林院侍讀學士周炳謨



父原任吏部左侍郎贈禮部尚書周子義

南京禮部右侍郎魏廣微三代誥命

父原任右僉都御史謚介肅魏允貞

巡撫寧夏贊理軍務兵部右侍郎都察院右

副都御史王之采

祖父原任兵部尚書贈太保謚襄毅王崇古

巡撫山東右都御史趙彥

太常寺卿朱光祚

南京太常寺卿杜士全

太僕寺卿管京營少卿事耿庭栢并妻誥命

光祿寺卿饒位

光祿寺卿許維新

太僕寺少卿田生金

翰林院提督四夷館太常寺少卿梅之煥

大理寺左少卿張延登

大理寺右少卿韓光祐

大理寺右寺丞方大鎮

太僕寺少卿王遠宜

通政使司添注右通政許維新

通政使司右通政劉道隆

右春坊右贊善兼翰林檢討曾楚卿

南京國子監司業葉燦

翰林院檢討孟紹虞

吏部文選清吏司郎中曹思誠

原任戶部山東清吏司主事蔣弘憲

戶部四川清吏司郎中曹文衡

戶部河南清吏司郎中沈弘業

戶部山西清吏司員外郎范中彥

戶部陝西司郎中舒崇功

戶部陝西司主事朱之臣

戶部貴州清吏司員外郎李鳴珂

戶部江西清吏司主事徐克讓

禮部祠祭司郎中陳玄藻

禮部祠祭清吏司添註主事董暹

禮部主客清吏司主事畢自肅

制勅房辦事中書舍人禮部儀制司主事王

世美

兵部車駕清吏司員外郎惲厥初

兵部車駕清吏司員外郎俞彥

兵部職方清吏司員外郎孫學詩

刑部江西清吏司主事李思敬

刑部山西清吏司員外郎潘永澄

刑部山西清吏司主事張春

刑部貴州清吏司主事張其孝

刑部山東清吏司員外郎朱大典

刑部廣東清吏司員外郎項夢原

寶日堂初集卷之二十目錄

寶日堂初集卷之二十

誥勅

華亭張鶴世調甫著

太子太保吏部尚書張問達

朕惟統類總方銓時均政必有不二心之老以襄  
大有爲之成翼冲子則股肱正百官則柱石旣襄  
祀典宜報功宗爾太子太保吏部尚書張問達清  
和在躬明誠格物無偏無黨蕩平作盛世之儀刑  
不競不綽中正得大人之體段歷邑令諫官而廉  
仁正直之素著追清卿部貳而禮樂刑政之兼修

至于玉几受終斧展正始聲色不動而夾日以飛  
髮膚可捐而負鼎而立舉朝倚泰山之重眇躬享  
南面之安爰自憲臺任之均統疏淹拔滯謹君子  
消長之幾崇實革浮正王道清濁之路使黃髮皆  
在于位而白鷺益充于庭剖異議以歸同渙小羣  
而成大由茲官方之時敘可占世道之日新因酬  
慈廟襄祔之勞特沛冢揆保衡之命茲授爾爲光  
祿大夫錫之誥命於戲蠻夷方訶金革未平流離  
須循吏撫綏而廉愛不勝貪黷戎伍惟雄材控馭  
而精明不勝彌縫官無冗而必精勿濫觴于添設  
士有試而乃用無遷就于薦揚惟衡量不借于人  
而賢良盡收于國勉思弘濟以報寵光

少傅兼太子太傅兵部尚書王象乾

安危注意元戎樹塞上之威儀文武兼資上卿總  
師中之節制旣聲靈之赫濯詰爾戎兵宜恩數之  
駢蕃貳公弘化式頒新命用表膚功爾光祿大夫  
太子太傅兵部尚書兼都察院右都御史出鎮行  
邊總督薊遼保定等處軍務兼理糧餉經畧禦倭

王象乾天壽平格世篤忠貞敷歷中外者五十年  
馳驅安攘者廿二考誠與才合而有利國家憂在  
樂先而無貽君父自任天下之重起家食再掌中  
樞獨賢王事之勞爲國老遠行絕塞朕念四方之  
多事厝火將燃須防五大之在邊迨天未雨尚猷  
詢茲黃髮爲我代秉白旄而爾慷慨請行崎嶇就  
鎮陳師殘壘風雷鼓捷伐之威設誓荒壇日月夾  
精忠之氣建牙以護諸將恩威並入穀中折箒而  
下羣夷操縱悉歸掌上足兵兼以足食爲守亦預

爲攻持重如萬斛之舟密于潛地應機似六飛之  
馬下乃從天以至債帥革心糗芻飽軍中之腹迄  
今驕軍喪魄旌旗新壁上之觀惟帷籌符韜畧之  
六三遂廟勝壯甲兵之一百萬倚爾鎖鑰撐東隍半  
壁之天作予爪牙扶北極重輪之日績旣隆于上  
佐秩宜晉于孤卿是用加授爾爲少傅兼官如故  
於戲方今狼心未厭虎背難答今其貪漢物而乞  
憐尚且窮于繒布倘我效宋事而示弱將誰護其  
金湯况尺寸地不可假人而數萬金尤宜慎許余



一人功何難于獨斷晉公之歸闕有期念元老勞  
不憚夫于襄吉甫之出車多日獨肩九鼎之重務  
圖萬世之安欽哉

太子太保禮部尚書兼文淵閣大學士沈漼  
支大厦者必藉夫勁材濟洪流者式憑乎巨楫惟  
爾力之克勝乃國事之無憂况茲廟儀之替襄宜  
記功宗而申寵爾太子太保禮部尚書兼文淵閣  
大學士沈漼偉才命世宏畧濟時勁直如矢而遇  
事有爲凝定似山而獨立不懼苦心參軍國之計

兵農皆在其彀中正色持朝論之平理亂立分于  
言下虞隣居四都俞吁咈之相成周事作三疏附  
後先之有效僉曰德堪相而才堪將爾則勇無功  
而智無名顧此蹇蹇匪躬之懷能擴休休有容之  
度吐茹各得其大體進退靡間于小心祇一身肩  
危懼之衝令國家享和平之福旣襄祀典宜沛殊  
綸言疏衮席之華特晉保衡之拜茲授爾爲光祿  
大夫錫之誥命於戲邊塵滋擾天戒孔嚴綱紀彌  
壞于羣囂名實日墮于故事爾惟開誠以貞百度

秉德以調三光平權量而劑物情謹繩墨以正天下勿畏專而避事無遠怨以自疑蓋君臣無不殫之心則天下皆可爲之事益崇爾績永孚于休欽哉

太子太保工部尚書姚思仁

虞佐九官平水土者崇伯周卿六職領司空者毛公惟予冲人眷茲元老才優績懋當大任其裕如道貴身全歛神功于寂若宜頒異數以答殊勞爾資政大夫工部尚書姚思仁三朝耆舊一代宗臣

廣大內之精微美無遺于竹頭木屑明察中之渾厚力不絀于錯節盤根器靜而堪鎮器神閒而能集事自輶軒繡斧而中外高其風節迨京卿部貳而南北想其儀刑屬予皇極鼎新倚爾土功荒度長島臺而執朕憲正鳩署而若予工求大木畢收輪茵離奇煥宸居聿成暈飛鳥革郢匠之斤風獨運舜門之日月重開時絀每念舉盈予一人詢茲黃髮功成無虞物耗爾三載殫厥赤心喉舌地方高北斗之班股肱臣遽乞東山之臥宜酬功于柱

石爰晉位乎保衡是用授爾爲資政大夫太子太  
保仍官如故錫之誥命夫進退不失其正爾已弗  
戀榮華而安危誰與之同予且無遺壽耆尚効鄴  
侯之乃心王室暫返衡山無同巢父之弗樂堯天  
長留潁水勉終令譽永孚于休欽哉

南京刑部尚書李長庚

朕以軍興戒嚴邊人待哺特簡上卿專司筦箠著其  
有功高治粟望重富民是惟勞臣膺我異數爾南  
京刑部尚書前戶部左侍郎專督遼餉李長庚恢

畧壯猷赤誠玄度起家會府精心計于儲胥歷長  
版曹諳故典于出納臬司岳伯政遞秋春京尹臺  
卿憲兼文武惟東方之有警屬內藏之未充晉貳  
司農專籌餉務而爾遠觀海若近歷亭傳要害具  
于胸中肯綮嘗于眼下事積而不亂法備而易行  
故得井賦田租方舟接軫檣島木馬金布泉流且  
爾非獨苦心兼有至德甦凋枯之勞人每尚寬大  
輯遷流之潰衆必用和調勸農穡而靜不擾于度  
田勵職司而法必詳于獎善旣仗飛芻之力宜崇

曳履之階是用授爾爲資政大夫錫之誥命於戲  
兵烏合而民萍飄東郊正煩于申畫夷豕突而虜  
犬噬北鄙誰恃以救寧况石費三十鍾豈堪飼犬  
羊于戶外若地喪八百里奈何憑金繒爲長纓朕  
倚爾詰兵調食作輦下金湯卿寧止禁暴除奸司  
鑄京喉舌欽哉

敦詩悅禮之家爰生淑慧握筭登壇之老有相柔  
嘉旣上卿列座于文昌宜中間分榮于紫極爾南  
京刑部尚書李長庚之妻封淑人梅氏德以媿容  
女而曰士祥開麒麟閣綽有門風配作鳳凰毛修  
其官譽釜錡佐鼎養于俎上絲絨襄羔節于帷中  
至于守貴儆勤履豐寶儉當輪蹄間關之際王靜  
治而寬內憂屬衿肘仰屋之餘借內言而定前箸  
惟恤緯非一家之計故轉漕成天下之功茲特封  
爾爲夫人崇階增峻旣表度于山河茂祉方來永  
依光于日月

禮部右侍郎兼翰林院侍讀學士張邦紀

風雲玄感先朝隆舊學之臣日月重華當代識典

刑之重惟師道光而克彰儒効肆人爵貴而宜沛  
朝恩爾禮部右侍郎兼翰林院侍讀學士張邦紀  
氣含天粹學味道真體大雅以成文名蜚繡虎蹈  
中和之爲德養湛木雞粵自史官晉于宮局屬  
先皇求多聞于潛邸爾師臣據直諒于承華非堯  
舜不陳于前于子孫尚亦有利兼以四司文柄得  
雋爲多獨領賢關作人斯盛風規端雅學者仰如  
泰山志氣清明蒼生望爲霖雨晉貳秩宗之任仍  
參翰學之華將明禮樂以洽神人益備論思而居  
左右人惟求舊恩亦駢新茲授爾爲通議大夫錫  
之誥命於戲無遺黃髮渺躬所以承家保茲冲人  
老成因之壽國尚其怡神寧靜行爲聖世之夔龍  
于以致用寅清不作盛時之巢許欽哉

禮部右侍郎兼翰林院侍讀學士周炳謨

朕惟稽古正學師臣者帝沃心訓志作聖惟良執  
經崇更老之班典禮副寅清之任宜覃異數以寵  
碩儒爾禮部右侍郎兼翰林院侍讀學士周炳謨  
池鳳一毛海鵬萬里氣稟涵天之粹學殖味道之

腴才誠合而不爲自能有爲善信兼而可欲總歸  
無欲瀛洲作羣英之領袖藜閣抽二酉之祕藏掌  
絲綸而含英咀華紀言動而闕疑傳信憶在 神  
祖師汝昌言董子稱引天人賈生通達國體屬予  
訪落繫爾開陳望以夾日而彌尊道則乘時而益  
顯昭德塞違而言事必匡以正譚經誦史而夙宵  
匪懈其勞非堯舜不陳于前直發明正心誠意之  
學有謨謀入告于后兼旁通安內攘外之宜三載  
于茲一德是賴翰學升華于春暑儲端晉貳于秩  
宗茲授爾爲通議大夫錫之誥命夫爾父子義名  
臣也以對揚朱盡之用畀之後人爾炳謨講臣也  
本步武一脉之傳輸之君父惟予日新有獲如鑑  
在鎔爾益風動交修若金作礪勉終無窮之業用  
答滋至之休欽哉

父原任吏部左侍郎贈禮部尚書周子義

世臣喬木作梁棟者一枝王國羽儀掌絲綸于累  
葉惟碩儒之挺出道在弓裘肆啓胤之蔚興功高  
啓沃爾原任通議大夫吏部左侍郎兼翰林院侍

讀學士掌詹事府贈禮部尚書謚文恪加贈資德  
大夫周子義乃日講官通議大夫禮部右侍郎兼  
翰林院侍讀學士周炳謨之父學闇而章器藏而  
大寬平高峻立朝靜德如山直諒恬夷履宦閒心  
似水在東觀西清而若麟若鳳暨北雍南鎬而爲  
度爲儀秩晉天卿望高玉暑寶錄輯兩朝之史勞  
在編摩會典垂百世之程功收著作班聯揆席寧  
杓鑿于世而守甚貞衡炳文闡闢桃李之蹊而交  
則簡萬石君之家法閱世而昌三槐堂之流風至  
子乃大爲予格心而正事繁爾作法而詒謀賧當  
年易名晉秩已不朽于春秋茲爾子移孝以忠聿  
陳情于旃幄用允所請特加贈爾爲太子少保錫  
之誥命於戲爾有不可奪之節而和平中正蘊藉  
乃畱之後昆爾當大有爲之時而靜退委蛇幹濟  
用儲于哲嗣蓋予嘉乃績爲尹陟爰晉保衡爾篤  
忠貞有君陳不負周相勉膺異數默佑膚功欽哉

南京禮部右侍郎魏廣微三代誥命

擢北門之學士典禮以和神人貳南國之春官考

文而第俊秀人爵斯貴師道愈光爾南京禮部右  
侍郎魏廣微道惟正已學不爲人執節事君內省  
無慙于夙夜推誠御衆外物莫得而親疎巖巖千  
尺孤松淡淡一泓秋水爲弓爲冶固已世德作求  
如砥如弦奚止父書能讀至于潤色皇猷弼諧主  
德朕求聞稽古如鑑在銘爾訓志格心若金作礪  
達于樂故和而辨深于禮乃肅而文惟容臺地重  
乎鎬京故卿月偕輝于講席秉寅清正直而亮采  
資澹泊寧靜以韜光舊學斯隆新綸宜沛是豈授  
爾爲通議大夫勲資治尹錫之誥命夫爾父以伉  
直靜退陪都屬其舊游惟爾以忠亮奮庸典秩亦  
非久任惟是故府熟綜乎舊典朕當用讀書之人  
靜局曠覽乎時宜爾益儲調燮之具孝媿前美忠  
答主麻欽哉

父原任右僉都御史謚介肅魏允貞

霜臺舊德節鎮元樞儀刑時切于朕心風軌克傳  
于爾後旣沛講臣之異數宜頌世德之殊褒爾資  
政大夫都察院右僉都御史謚介肅魏允貞勁節



致君赤誠醫國司郡刑而法清蠹賊執臺簡而氣  
肅豺狼有謀入告一人身輕去國之葉據古不阿  
當世望重吾道之南冷署一官陪京推爲華嶽雄  
關九鼎絕塞倚作長城至于修卒乘而士馬飽騰  
廣儲胥而堡屯殷富瘠已而肥甲士節用以佐軍  
興犯狐鼠之鋒而舉朝並高其節褫貂璫之魄而  
神聖亦諒其忠大約清爲百世之師故任以天下  
之重旣廉貞奕世不替乃儒碩繼美而興是用加  
贈爾階爲資德大夫錫之誥命於戲皇路濁而難  
清朕盱衡先世之柱石國勢弱而靡振朕拊髀昔  
日之金湯尚倚後昆以終前業爾其永孚于休欽  
哉

巡撫寧夏贊理軍務兵部右侍郎都察院右  
副都御史王之采

朕軫念邊陲睠焉西顧思得于襄之南仲城彼朔  
方惟茲世篤之君牙纘乃舊服旣奏膚功于塞上  
宜申寵命于師中爾巡撫寧夏贊理軍務兵部右  
侍郎都察院右副都御史王之采家傳忠孝德秉

廉威瑋璋標清譽乎畱曹樽俎運勝謀于樞軸迨  
轉秦關之鑲更分玉塞之麾足食而能足兵善守  
而兼善戰爰升獨坐用畀專征而爾當松套環伺  
之餘值軍民交困之會哺士卒如嬰兒豢虜人于  
掌股計深吞膽剛不吐而柔不茹機燭列眉叛則  
誅而服則撫遂使受降城下牧馬風清賀蘭山前  
耕犁雲集惟熊罷不二心之臣宜鍾鼓有一朝之  
饗晉陟祈父爲王爪牙擢貳中樞作予柱石茲授  
爾爲通議大夫錫之誥命於戲正已曰征兵豈出  
于得已止戈爲武去亦予以勿追矧今烽火頻驚  
潢池載弄欲笞匈奴之項背先爬赤子之瘡痍爾  
旣握中樞以張皇六師尚其調元氣以奠安九塞  
視乃烈祖永孚于休欽哉

祖父原任兵部尚書贈太保謚襄毅王崇古  
世臣服勞王家文武作萬邦之憲烈祖詒謀孫子  
安攘宣奕世之光念舊績久紀于太常宜新恩再  
崇于禰廟爾原任光祿大夫柱國少保兼太子太  
保兵部尚書贈太保謚襄毅王崇古乃巡撫寧夏

地方兵部右侍郎兼都察院副都御史王之采之  
祖父任天下之大人安社稷之元老眼明而氣不  
懾膽大而心不疑憶昔呼韓叩關緊爾龍圖保塞  
弄胡雛操縱掌上料黠虜顛倒目中但令中行說  
不在匈奴不必飛將軍空勞塞外中國操籌而使  
非同漢代金繒外夷貪餌而來盡是天朝玉帛萬  
里喜烽煙之蕩息百年慶桑土之綢繆旣而蒐乘  
龍荒飛芻雁塞繕胡越爲家之城郭修天河旣洗  
之甲兵當 皇祖實庇其庥而予一人永膺多福  
乃開遺緒再昇聞孫賜履齊標召公之後有虎登  
壇接武荀氏之種皆龍是用贈爾特進光祿大夫  
柱國錫之誥命丹書可誓式崇象海之班朱紱重  
加永作先河之祀

巡撫山東右都御史趙彥

武以止戈雷霆宣其雨露征惟正已兵甲化而桑  
麻表東海者膚功握中樞者上佐旣大猷之克壯  
宜佑命之自申爾巡撫山東等處地方督理營田  
提督軍務兵部右侍郎加兵部尚書都察院右都

御史趙彥學充其識才裕於誠持節耀采于牡駢  
握筭勵精于錢穀器博則原無近用才大而宜有  
遠施典河西作股肱臣控塞上類雲中守晉司藩  
于代北旋作牧于中州爰專征而制海隅遂獨坐  
而鎮岱嶽宣條布惠若江海之潤丘原守險固圉  
譬虎豹之衛藜藿屬東土之妖氛倏熾實中朝之  
殺運未除而爾勁氣不懼夫危險沉幾靡亂于糾  
焚伐先謀而聯將士爲爪牙戰必克而殲渠魁于  
掌股露布騰而攬槍盡掃靈旗指而京觀成封榮  
名在麟閣之圖慶賚彰虎旅之盛茲仍授爾爲通  
議大夫錫之誥命於戲齊魯自多故以來舉朝頗  
思夫曲突潢池經暫息而後人心又類于處堂豈  
知多事之國事後而生計愈艱譬如有病之人病  
已而精神日削以爾忠貞奮其志勇瘡痍未起宜  
收梁肉之功桑土粗安尚賴保障之力務完元氣  
以壯國靈欽哉

太常寺卿朱光祚

朕方定九儀而稽中德諧八音以宣太和其有寅

清頌臣文之禮樂俾領郊廟以和神人秩望旣高  
覃典斯備爾太常寺卿朱光祚道履黃中守含白  
賁進退知聖人之意兢練合君子之宜兩試花封  
散春光于甘露四衡米署澄秋鏡于靈波已擢容  
臺頻甘菽水迨起邁軸爰貳棘平致身已際乎依  
光將母彌勤于愛日若乃明而用晦風雨有不巳  
之鳴磨且益堅雪霜無可變之色朕嘉爾涓清一  
派對越神祇且伏爾壁立孤峯羽儀朝宁而爾衷  
古今之變考制依經應天地之和流音合雅肅于  
度而朝章以序平于氣而衆調自和作我功宗實  
惟朝望是用覃恩授爾階通議大夫勲資治尹錫  
之誥命於戲爾故銓臣亦讞臣也簡以通用貞百  
度誰爲不剖之藩籬明而允乃孚衆情豈有難平  
之局案惟世途日競于偏諛故國論遂失其蕩平  
旣老成熟諳時宜尚中正力扶王路用需崇畀以  
竟爾施欽哉

南京太常寺卿杜士全

豐鎬舊都衣冠原廟必有寅清之佐以洽神人必

有端亮之臣以肅禮樂嘉茲德選宜渙恩褒爾南  
京太常寺卿杜士全清標似玉直道如絃海邑山  
城兩奏花封之茂譽儀垣法掖並持梧省之丰裁  
風雨有不已之鳴雪霜無可變之色雅望愈高于  
數馬清資允重乎登壇而爾年盈有孚裸將能贊  
九儀不忒旣夙夜之惟寅六樂克諧宜神明之來  
格是用覃恩授爾階爲通議大夫錫之誥命夫陪  
京故府典秩清司舊典可稽廣該通之學術靜觀  
自遠裕寧定之經綸倘能奏格無言寧止祭則受  
福欽哉

太僕寺卿管京營少卿事耿庭栢并妻誥命  
夫卒乘修而中國壯皇儀肅而天子尊朕飭牧圉  
用詰禁旅惟茲大正實長僕從籍我忠良弼予彛  
憲旣配罔臺之位望宜覃卿月之恩輝爾太僕寺  
卿管京營少卿事耿庭栢政術周通道心遠曉資  
神理而能斷花封兩地春膏應物務而常沉冰鏡  
一庭秋水山公之啓事凡七相士超牝牡之倫伯  
夷之典秩有三柔遠侈黃朱之貢以爾清通寅直

之望畀之出入起居之司蓋將正羣僕而正君不  
獨思無邪而思馬而爾素矢清忠益標勤慎秉心  
自遠坐蕃駉牝三千考牧斯成益飭天閑十二養  
周丘之八駿騰汗赤于九邊調舜馭之五龍馴驪  
黃于六轡望旣高于無斃業將大其有爲茲以覃  
恩授爾爲中大夫錫之誥命夫牧馬者去其害馬  
養民者去其蠹民爾旣忠著交修佐予聰明齊聖  
尚其勞宣獨坐爲我旌別保釐豈惟光罔伯之篇  
且被康侯之錫欽哉

駉駕駟馬方宣執轡之勞王饋藻蘋彌念結禱之  
配追蘭儀而旣邈畀芝檢以方隆爾贈恭人由氏  
乃太僕寺卿管京營少卿事耿庭栢之元配溫惠  
性生淑貞天植十六而嫁表勤德于緒機九十其  
儀勵澹心于荆布伺白頭之色笑度閣供甘襄黃  
卷之風雲短檠作苦鞠躬盡瘁丁年未覩鴻儀電  
勉同心沒齒猶存燕傲睠爾糟糧之舊尚餘鞞佩  
之盟茲用贈爾爲淑人女德何患乎無年內勞益  
徵于有報

夫摶德茂故學而立其名內屏飭故仕而遂其清  
載此顯融宜加榮敘爾封恭人張氏乃太僕寺卿  
管京營少卿事耿庭栢之繼配宦族函貞德門作  
配坤貞居後相夫子不忒其儀異順承前御家人  
克敦其好歡時勤于啜菽養堂之愛日彌長清其  
矢乎懸魚官舍之冰壺益凜至于勤襄衡鑒光贊  
塞淵室惟有助而國事可營內旣無憂而精忠自  
竭是用封爾爲淑人式嘉數馬之勤彌飭聞鷄之  
傲

光祿寺卿饒位

朕惟君之玉食典于上卿蓋將飭饋祀而節濫觴  
修宴饗而謹名數旣得清忠之老伴居調鼎之司  
宜有殊褒用酬碩德爾光祿寺卿饒位勁節孤標  
清風遠度本文章而經世讀有用之書蹈繩墨以  
修身行不欺之事宰赤縣而春生花野操白簡而  
秋冷蘭臺一持百粵之旄再秉六條之鏡迨衡文  
南國播雅化于諸生乃丕變東方起積衰于八代  
鑑似水而籠材彌盛直如弦而身葉已輕繇一麾



而去國已三十年自初命而還朝更八九轉符卿  
既遷問秩棘寺乃長庖司一德調羹朕非勞以籩  
豆直言揚觶而亦劑其酸醎慎宜索而無經之費  
必裁條故實而非時之食不薦俾予中正惟乃攸  
箴茲授爲中大夫錫之誥命夫佐鼎者嘗宰夫因  
之修膳事食芹而美良臣所以獻至尊爾惟秉憲  
用苦作人用甘行且淡以藏身和而燮國用培元  
氣光輔太平無負朕圖任舊人之意欽哉

翼翼庖卿贊燮和而司玉鼎祁祁淑媛襄饋祀而  
潔采筐旣美德助于無儀宜沛恩光于有慶爾光  
祿寺卿饒位妻封恭人劉氏雍肅令儀幽貞淑德  
曳綦花縣廉每助于懸魚聽鑰蘭臺勤更襄乎鳴  
鳳澹志可調明水潔心不愧素蘋守其儉而不濫  
爲清安于拙而無才是德養壽母承顏聚順垂百  
年佐上卿樂道安貧三十載茲特封爾爲淑人祇  
承綸綍之華益謹衿鞶之度

光祿寺卿許維新

萬方玉食在予一人九鼎宣調惟茲上宰必愛君

寶日堂初集卷之二十一  
素飭其精白乃燮國克享其和平是惟碩臣宜申  
寵錫爾光祿寺卿許維新峻揭霞標清凌冰柱讀  
書得聖人之意通古今而能折其衷守已合君子  
之宜知進退而不失其正歷官中外更任旬宣而  
能心存愛民應物有操刀之利志盟許國獨力同  
砥柱之堅寧卷而懷不求通于變塞有麾卽去非  
藏器而待沽惟爾望重白駒而朕猷詢黃髮起佐  
大官之政再掌納言之班晉之上卿領其宰職而  
爾慎飭供豆端其誠而有恒檢稽濫觴敏于事而  
兼適愛君而論羨喻腹非予口之爲甘憂時而茹  
苦嘗辛總世味之不染國人皆高其素尚朕心彌  
重其孤貞茲授爾爲中大夫加陞戶部右侍郎錫  
之誥命夫古亦有言老臣在國如玉在山爾遊廟  
堂旣生光輝于朝宁其在林壑仍留風采于日邊  
夫侍食先嘗君飯爾旣已修膳宰之儀美芹必薦  
至尊爾無容効野人之獻尚圖求任遺老於以壽  
我國家欽哉

太僕寺少卿田生金

寶田堂初集卷之二十一  
三十一  
朕飭皇儀于天廐修卒乘于邊圉蓋以表法駕之  
尊謹軍旅之脩睠惟大正實長僕從旣簡吉人宜  
頒崇秩爾太僕寺少卿田生金大噐難名清襟獨  
曠懷史轡之道直而不阿播鄭僑之仁寬而有制  
司郡憲而錦江春靄領臺班則繡斧秋霜語不近  
苛料先幾而多中事惟從實知有利而必爲釐賦  
賑荒而粵嶺蒙安裁供折稅而江隅載德於身秋  
毫不染所至珉隸見恩簡自宿賢充茲罔職而爾  
德調良而比驥參舜馭能調五龍心秉塞以致驟  
掌魯郊坐蕃千駟潔非馬癖春遊無怠于行馳相  
得天機神鑑何勞于市駿茲以覃恩授爾爲中憲  
大夫錫之誥命夫君廐不貴肥馬蓋爲養民而牧  
人有戒敗羣以方害政邇者種駒濫賠于寄養而  
依課法敝于孳生乃汗血未騰九邊何禪中國且  
驪黃不充六御空耗天閑爾何以核公而惠私且  
將寬民而富國能修馬政卽廣民功欽哉

翰林院提督四夷館太常寺少卿梅之煥

古設奉常典朕三禮朝分重譯用賓四夷其有謹

直舊臣文之禮樂鴻儀克備象胥是同秩望旣高  
崇典斯昇爾翰林院提督四夷館太常寺少卿梅  
之煥學本傳家才堪華國始儲英于蓬苑尋執簡  
于梧屏直道而行慷慨靡依乎世路虛舟以往坦  
蕩不涉于風波屏聲色以忘機養其作用履險危  
而順命卓有擔當蒞旣越則草偃風行衡齊魯而  
春覃雨化內徵重喉舌之寄晉秩華玉瑞之官禮  
院貳其清班詞垣仍其舊地而爾考材必慎端章  
甫以柔遠人課業彌精謹話言而通王會不獨朝  
聘享多儀于玉帛亦且車書大一統于華夷是惟  
寅清助我文德茲以覃恩授爾爲中憲大夫錫之  
誥命夫以爾直臣居之清地涉事久而定觀若鏡  
居心澹而道味似冰旣不爲而可有爲自臨事而  
行無事勉需大受益勵前途欽哉

古之名卿作求女史嚴司譯者重寅直助鳴環者  
推肅雍勉以同心合而並貴爾翰林院提督四夷  
館太常寺少卿梅之煥妻封孺人蔡氏毓英望族  
儷媿名儒引圖史以飭閨彞慈滂灑而供色養間

夜昴雞旦襄素業于燃藜視草戒牛衣佐經綸于  
補衮在燕居而不廢箴傲爲詞彥爲讜臣當象服  
爾彌敦儉勤佐文章佐政事睠九儀之咸秩望重  
曲臺嘉四德之齊徽恩疏內壺茲以覃恩封爾爲  
恭人翟禕承三錫之光穆木衍二南之慶

大理寺左少卿張延登

朕思聖王畫象何擇非人廷尉稱平惟良折獄旣  
讜臣任祥刑之重宜上卿覃衮錫之榮爾大理寺  
左少卿張延登偉才濟世勁節匡時兩試花封散

芾棠之雨露載司梧掖著蒲軼之風稜有謀入告  
于君所學必行諸已直如絃而信道籥籬不設于  
胸中堅匪石而沉幾波浪自平于局外凡所糾彈  
護君子不阿邪類暨諸建白憂君國非爲身名片  
言能定世囂一去不隨人執朕服在厥初人惟求  
舊惟爾正直忠厚爲本作我明清平允之司起家  
食而儀羽朝端不獨爰書之審克參卿貳而折衷  
國是寧直比律之簡孚晉爾月卿用酬天牧茲授  
爾階爲中順大夫錫之誥命於戲當今世情重而

國典輕使庶政日壞于姑息災獨虐而高明畏令  
天子亦窮其好生顧何以司寇敬而周朕長壽民  
壽國何以士師允而虞風動惟畏惟明佑我嘉師  
尚賴良佐欽哉

朕酬庸朝碩袞表閨儀惟茲聽棘之臣爰遡結禰  
之配無忘管蒯有畀笄珈爾贈孺人王氏乃大理  
寺左少卿張延登之妻望族函貞德門淑配敬事  
特勤于錡釜素風彌勵于綦巾至于業贊青藜雞  
窓戒旦孝隆白髮度閣生春胡不百年睠茲一德  
定國于門高大翻嗟室有遺楮釋之風采方新徒  
悵庭餘初案茲贈爾爲恭人再承休命于明庭永  
賁光華于幽隧

夫以諤諤之臣而哀矜折獄必有祁祁之配而敬  
佐求生蓋勸直而廣仁宜袞勞而疏寵爾封孺人  
盧氏乃大理寺左少卿張延登之繼妻出自儒閥  
儷于貞臣克踵前徽潔醜羨而廣孝力操中範勞  
乳哺而推慈花齋餽冷而束緼從官悟省風清而  
執燈佐筆至于豐而能淡于以光贊播刑敬不忘

規益足勤襄亭獄是用封爾爲恭人永敦羔素之  
清聲游荷翟衣之峻秩

大理寺右少卿韓光祜

夫準夫立而周官盛廷尉平而漢道昌何擇非人  
惟良折獄旣配棘臺之位望宜覃卿月之恩輝爾  
大理寺右少卿韓光祜風標嶽立學識淵淳直非  
矜節而勁可匡時清不近名而風堪師世旣秉法  
衡于南國旋司袞職于北扉愛君而犯乃勿欺憂  
國而言必有中熱心能保全君子赤膽不阿比時

流命汝納言攸箴罔伏爲予常伯咸秩無文惟此  
正直忠厚之良俾作明清平允之佐而爾惟宅心  
坦蕩故亭法無苛且伏念畏勤故齊民有要聽五  
辭而罔空棘靜作天牧乃以相民提三尺而吹角  
建牙惠嘉師兼之壽國茲已擢爾官都察院右僉  
都御史巡撫江西矣特以覃恩授爾階爲中憲大  
夫錫之誥命於戲功疑重而罪疑輕朝廷好生之  
德賞貴信而罰貴必臣子執法之公爾方秉鉞而  
制南州獨坐而清天下旣賴穆刑之敬忌民以永

寧尚資畢命之保釐予將垂拱勉思後績以光訓  
詞欽哉

大理寺右寺丞方大鎮

朕聞刑期無刑聖王因之畫象辟以止辟廷尉所  
以稱平何擇非人惟明克允旣得忠信之長宜尊  
寵錫之光爾大理寺右寺丞方大鎮學術淵微風  
標寧澹進退知聖人之意競綵合君子之宜筮仕  
李官頌無寃于聽棘晉司臺憲歌且止于行聽風  
雨有不已之鳴明而用晦雪霜無可變之色磨且

益堅起自山中擢參卿寺而爾援經讞獄執法平  
亭朕欲求生爾能破累千牘之羅織予惟勿宥爾  
尤矜旦夕命之顛危明清本自躬行不獨爰書之  
審克中正根于性命寧直比律之簡孚是惟王國  
羽儀允矣朝廷柱石茲授爾爲奉政大夫錫之誥  
命於戲當今功過淆于三尺玉石亂其五辭旣欲  
功疑重而罪疑輕又恐寬小人而苛君子要使法  
歸畫一而天子尊自然令行如流而海內治穆刑  
惟謹畢命用休欽哉



太僕寺少卿王遠宜

僕臣正厥后賴有位以弼彜聖主得賢臣思無邪  
而思馬賧惟大正爰畀吉人旣望孚乎駟臺宜寵  
申乎卿月爾太僕寺少卿王遠宜方廉溫厚通練  
精詳濟東首咏其甘棠柱下游推乎貞栢振風稜  
于南北持霜斧于陽秋疾徐相朝政之所宜識時  
務者在俊傑茹吐由中立而不倚扶元氣者歸正  
人朕慎簡僕僚俾克耳目而爾清凜寒水馬如羊  
而非好栗逾溫玉驥比德而稱良致駉牝之三千  
去其害馬飭天閑之十二佐我飛龍僉曰避驄之  
老成人實則市駿之良司牧茲以覃恩授爾爲中  
憲大夫錫之誥命於戲古之正士蓋執轡而箴今  
之大夫第數馬以對朕惟聰明齊聖賴羣僕侍御  
之臣爾且出入起居效秉心塞淵之助用騁修途  
于逸足以隆大畀于輕車欽哉

通政使司添註右通政許維新

朕聖讜說乃命納言罔伏攸箴繫爾喉舌非忠清  
孰修其播告非亮直孰疏其潰壅是惟信臣宜頒

寶明堂初集 卷之二十一 三  
寵命具官某勁節孤標赤誠玄度山爲鎮世之定  
風是起懦之清道德忠信以修身文章政事其餘  
力自州牧歷郎署之寄繇旬宣更方面之司節凜  
氷壺才游芒刃字民則萬家春暖肅部則六幕風  
清爰嘉其難進易退之操特優以一歲三遷之法  
而爾如弦不改直詞砥議論之衝匪石難移正色  
鎮朝堂之列用加綸綍爰樹羽儀茲特授爾爲通  
政使司添註右通政乃授中憲大夫錫之誥命於  
戲惟清可以濟世而或者以清爲劇惟直可以成  
物而或者以直爲迂夫濟世之清無近名而成物  
之直不好激朕倚爾清以匡時難仗爾直以整朝  
綱惟爾懋茲不止以司舌重爾也欽哉

通政使司右通政劉道隆

朕方登進清流簡畀遺直藉其勁節以破詭隨獎  
其靜退而激浮競惟茲宿碩宜霈恩光爾通政司  
添註右通政劉道隆澄清似水凝定如山鳴琴譽  
擅乎廣陵箬筆望高于京洛據古不阿當世不合  
則去而合則留有猷入告一人寧逆于心無遜于

寶印堂初集卷之二十一  
志念予烈祖師汝昌言抗疏殿爭砥狂瀾而扶一  
柱拂衣林遁拔赤幟而遠衆囂蓋節不近名量能  
經遠朕加其難進而易退故予以再歲而三遷而  
爾罔伏攸箴克修播之 漢舌佐我聰明宜報  
典之維新表用人之求舊茲授爾 大夫錫  
之誥命於戲盈庭之藩籬未剖邊塞之烽火時驚  
惟材誠合而國論可平必膽智饒而時艱用濟爾  
歷事三朝閱之詳熟矣尚懋茲一德佇我隆畀焉  
欽哉

右春坊右贊善兼翰林檢討曾楚卿

朕慎簡儒彥晉貳宮僚蓋將資扶日以重輪亦且  
期補天而五色騰惟良史宜沛殊恩爾右春坊右  
贊善兼翰林院檢討曾楚卿清標秀骨內美修能  
冰壺志潔而讀典墳之五三玉潤氣含而吞雲夢  
之八九絕識洗空羣馬眼無留良完才力解全牛  
芒有餘利以至絲綸草制蘇軾綽有奇才若乃殿  
陛記言馬遷固多直筆仍兼史秩不獨詞賦稱翰  
林主人載領官銜抑且獻箴作承華侍從茲特授

爾爲儒林郎錫之勅命夫詞臣須寧靜淡泊而爾  
固饒爲宮臣惟直諒多聞而爾能自勉尚藉舌端  
之霖雨行看旃上夔龍庶立汗簡之奇勲作我禁  
中頗牧欽哉

南京國子監司業葉燦

虎闌齒胄道重人師鎬京辟雍教先樂正旣已得  
正人之選宜令霑稽古之榮爾南京國子監司業  
葉燦中秘鴻儒西清碩彥明二帝三王之道讀九  
丘八索之書編摩擅譽于三長品隲羅賢于一目

惟南國作人之地重西序訓胄之司而爾身爲律  
度動有準繩守白賁之文明教本德修于內履黃  
裳之元吉師模道在其中是用授爾爲承德郎錫  
之誥命於戲人皆侍教而興天則不言而信惟爾  
精神所嚮即不倦之勞來在多士風尚所趨乃默  
成之絃誦勉弘陶鑄以裕經綸欽哉

翰林院檢討孟紹虞父孟楠

世學如世田耕道則獲種德猶種樹澆本則豐况  
碩儒學以兼修循吏廉而能惠于焉燕翼宜沛鴻

綸爾原任直隸河間府興濟縣知縣孟楠乃翰林院檢討孟紹虞之父誼高鄉里學重儒林升經明行修之科身先立教居文學政事之地道以愛人秉鐸而壁水風高鳴琴而花封春藹好行君子之德割儒俸以療饑民獨持吏道之平減官輸而甦疲邑爲兆人父所居愛而所去思作葛天民致身時而收身早四壁蕭蕭風雨冰壺揚玉署之芬滿籬種種圖書黃卷耀青藜之業吏績未褒于上計儒恩宜渥于重封茲封爾爲翰林院檢討徵仕郎錫之勅命秩高金馬用光經學之傳爵列木天式表廉吏之節

吏部文選清吏司郎中曹思誠

天官上大夫提一鑑以宗九流清衆途而敘百職自非公忠不在此選有能其職時嘉乃功爾吏部文選清吏司郎中曹思誠才通以練力定而沉錦邑操刀銓闈握鏡而能以無私正品流之凌雜以有主定政局之紛紜夾袋風生嚴華競而不爽賢關日啓量小大以兼收惟居身在清白之中故相

寶山堂初集卷之二十一  
三十一  
士于驪黃之外朕恢天網稽六典以遴才爾典人  
倫羅羣英而濟國茲以覃恩授爾爲奉政大夫錫  
之誥命夫統均之地理亂所關消籬棘于無形朝  
廷收蕩蕩之福樹梗梓于有用國家成濟濟之休  
惟爾作令而廉平是以銓材而清直小羣旣渙大  
受有期益廣靜觀以襄邦治欽哉

原任戶部山東清吏司主事蔣弘憲

朕方激揚朝品褒表清流乃有通儒而作幹臣狷  
士而兼勞吏沒身未膺厥寵有子復能其官世業  
有徵國章載渙爾原任戶部山東清吏司主事蔣  
弘憲介氣孤標赤誠玄度砥節少成其簡淡讀書  
有志于聖賢真孝廉不愧科名古儒師雅堪俎豆  
旣以橋門模範入司版部儲胥而能廉以持身精  
于檢下賚賑澍隨車之甘雨策蹇茹蔬轄倉洗停  
宿之濫觴狐潛鼠伏至于司權纖塵不滓報課歲  
額具克修賑修築而河伯不能爲災議因議更而  
勞人永享其利蓋忠惟報國捐病骨于當官而廉  
不近名留空囊于歸路爾子不忍徼已恩而沒爾

寶田堂初集卷之二十一  
之三  
之本色朕亦且追前事而表爾之苦心是用授爾  
爲承德郎錫之勅命於戲爲臣不易鞠躬尚有典  
型有子良難速肖永言穆頌懋嘉舊績祇服新綸  
欽哉

戶部四川清吏司郎中曹文衡

萬室之邑必有萬鍾天下之粟輸于輦下檢其給  
受每資心計之良核其儲胥尤藉箸籌之長宜覃  
恩渥以獎清勤爾戶部四川清吏司郎中曹文衡  
弘局敏材清門令緒持平棘寺執量版曹而爾勤  
以居身精以檢下治絲必理當猥雜而彌精飲水  
知清處脂膏而無染會計務求其當芟芻無敢不  
多聚米富于京坻三年餘九年之蓄唱籌來如流  
水百概嚴一漏之防旣長郎闡用加寵秩茲以覃  
恩授爾階爲奉政大夫錫之誥命夫先王制用至  
于三十年之成後世補苴乃有不終日之計入者  
狹而下苦盈出者濶而下苦縮旣求望腹于邊人  
且以佐急于百姓大畫小諮惟平惟實朕寧止以  
錢穀吏待爾懋哉懋哉

戶部河南清吏司郎中沈弘業

朕以帑藏未克邊人望哺特咨民部借箸爲籌惟  
忠廉能節濫觴惟儒術能謹筦鑰旣稱鈔選宜沛  
明綸爾戶部河南清吏司郎中沈弘業操履公方  
風規沉遠選于造士薊門生桃李之春風俾作端  
師壁水溥菁莪之化雨爰參錢穀之幕遂領儲胥  
之班而爾白意勤公焦神營職權關無處膏之潤  
筦儲頌飲水之清運深心而絕耗蠹之源握善筭  
而中盈虛之數是惟儒者之寬大乃濟精明固知  
儒術之恢弘能饒幹濟是用授爾階爲奉政大夫  
錫之誥命夫今之財源實堪廩廩謂在上而府庫  
屢空云在下而百姓貧餓重以潢池四起津液幾  
何兼之戎馬生郊輓輸誰辦豈中飽之不可問而  
泉源之未易開尚借富民之籌以展濟國之畧欽  
哉

戶部山西清吏司員外郎范中彥

朕以邊陲多故國藏未充南顧江淮惴然借賦而  
司筦之臣殫其心計給受有方是惟國楨宜加顯



寶日堂初集 卷之二十一  
錫爾戶部山西清吏司員外郎范中彥敏資遠器  
茂德通材拔自廷掄佐參版務領淮南之庾府綜  
江北之儲胥而能廉以持身精于檢下謹筭鑰而  
惟靜綜其大清城社而不科瑣其凡雖秋毫計析  
而政美無秕乃春日愛流而法平若概佐予庸賦  
倚爾廉勤茲以覃恩授爾爲奉直大夫錫之誥命  
今天下流傭載道調食計拙于量沙嘯聚當關轉  
漕勢同于扼吭惟淮海之咽喉不礙將輦轂之灌  
注自來尚借濟國之籌永展富民之畧欽哉

戶部陝西司郎中舒崇功

夫府有六而土穀修政有八而食貨重朕念時絀  
慎選計郎冀得廉勤之臣以副節愛之任能其職  
者吾寵畀焉爾戶部陝西司郎中舒崇功神襟凝  
定器量冲深上第升華左藏展采而爾本文章爲  
政事博大能濟精明資德性爲經綸澹泊雅饒幹  
濟地膏而心自遠不言絕耗蠹之源局瑣而力彌  
閒善筭中盈虛之數是惟心計佐我國藏茲以覃  
恩授爾爲奉政大夫錫之誥命夫魏文歲餘積儲

乃憂貪厚稅而民不惜賈生時當富庶尚思修預  
備而廩是圖况于今時官民兩困夫使國賦來如  
流水尤須民膏不委泥沙惟慎乃平惟節則裕不  
直會計之當行宜富民之猷欽哉

戶部陝西司主事朱之臣

聚天下之粟于輦下給受良難餘九年之蓄于三  
年儲胥尤重必忠廉能謹筭鑰必心計能握箸籌  
有能其官宜覃恩渥爾戶部陝西司主事朱之臣  
風規沉遠操履公方上第蜚英方州騰茂執法不

阿而官况似水教人無倦而師道如山旋分建武  
之憲符晉領版司之廩箸而爾以永衡之清白洗  
滌脂膏以法地之生成愛惜錢穀唱籌來如流水  
城社畢清聚米富于京坻雀鼠無耗佐予邦計繫  
爾良臣茲用授爾爲承德郎錫之勅命夫國家膏  
血半糜四夷倉廩補苴不支終日爾司其入當念  
民力而歛不苛爾筭其出宜惜國津而散不溢寧  
獨會計當而概量平行且六府修而三事治勉茲  
功實助我富民欽哉

戶部貴州清吏司員外郎李鳴珂

地官諸屬分掌邦賦蓋其借前籌而克帑藏核浮  
濫而哺邊人朕特以禮樂之士任焉有能其官是  
用申錫爾戶部貴州清吏司員外郎李鳴珂器韻  
通明材資敏茂望高孝秀名重賢書千家生桃李  
之風麗文昌于阿閣半壁起煙霞之色採和璧于  
鱣堂爰參幕于寅清雍容俎豆肆分曹于錢穀掌  
握儲胥而爾能廉以持身精于檢下善筭諳盈虛  
之數深心絕耗蠹之源恢其網而銖兩悉窮畧其  
科而秋毫務析是惟儒者之效寬大而濟精明乃  
知能臣之施俎豆而兼兵食郎闈旣正寵秩宜加  
茲授爾爲奉直大夫錫之誥命於戲今天下蒸黎  
頓罷帑藏空虛潢池起而額辦難捐戎馬生而邊  
輸告急念脂膏易竭惟散不溢乃歛不苛顧津液  
幾何母入者狹而出者濶惟清惟慎乃一乃公朕  
不獨覘爾心計也欽哉

戶部江西清吏司主事徐克讓

朕軫念民膏憫焉國計思得六府修而三事治必

須會計當而料量平惟茲箸籌之臣特簡廉修之  
吏有能其職宜錫申褒爾戶部江西清吏司主事  
徐克讓器識閎深風猷峻練賢科擢秀巖邑栽花  
一試隨効而兩地見思三年有成而四封歌慕遂  
入循良之異等徵爲典計之上流而能廉以持身  
精于檢下握筭諳盈虛之數周防絕耗蠹之源析  
秋毫而不科瑣其凡窮升勺而能恢張其網以爾  
撫字之惠心調物力以爾精辦之尾識核國藏惟  
是泉源賴茲心計茲以覃恩授爾爲承行郎錫之

勅命於戲國家財賦罄焉邊輸何賴東南民力竭  
矣額辦誰供無收鉢兩而散泥沙惟節則裕無出  
侵漁而入朽蠹惟慎乃平朕不專倚爾爲錢穀之  
司爾益當報我以積貯之策欽哉

禮部祠祭司郎中陳玄藻

朕肇興殷禮稱秩元祀謹茲夙夜固大宗伯之司  
辨厥名物乃下大夫之事有其克舉宜沛殊恩具  
官某直哉惟清溫然而粟持節耀牡駢之采掄材  
搜神駿之奇爰穆賓門晉諧禮典而爾三祀具飭

寶日堂初集卷之二十一  
用修上下之和九儀不愆以正邦國之位蓋已珪璋具清廟之器寧直籩豆充有司之存茲授爾階爲奉政大夫錫之誥命於戲祠部地近司清而望高冰署古之大任類繇此途蓋以其清明在躬之基裕遠大自致之用譬鏡寂而照不眩如水澹而味愈長勉勵前修以廣後効欽哉

禮部祠祭清吏司添註主事董暹

中和之極已建秩元祀者無文俎豆之事常聞贊明禋者必肅旣得寅清之選宜隆殷禮之褒爾禮

部祠祭司添註主事董暹金閨射策錦邑烹鮮筮仕宛陵何去思而留愛載更劍水廉來暮而興歌迨司銓軸于畱都風高衡鑒爰典儀容于春部望重珪璋飭三祀而修上下之和定九儀而正邦國之位蓋官况澹焉似水處冰署而彌清故本心直矣如弦對明神而加惕吾從先進郊廟社稷之必親汝作秩宗名物噐數之惟謹是用授爾階爲承德郎錫之勅命於戲一再令而俱稱爲父十九年而尚老爲郎惟廉爲用大之基而靜則致遠之具

爾旣饒于疇昔尚當勉于前途世間無澹泊外之  
功名國家重寧定後之經濟行需大畀以竟厥施  
欽哉

禮部主客清吏司主事畢自肅

朕嘉會方新式稽天敘爰飭五禮用賓四夷必簡  
廉修之臣以增章甫之重是惟妙選宜沛殊恩爾  
禮部主客清吏司主事畢自肅風儀秀特器識恢  
明奏草明光栽花馮翊弘幹能足兵足餉深心饒  
濟國濟民潔清不厭煩苛強直偏行寬大溫然而

栗簡之俎豆之司直哉惟清寄以會同之事而爾  
有金鏞寶瑟之度有冰絃玉鑑之操到處風生朝  
聘往來享多儀于玉帛滿城春屬車書禮樂示一  
統于華夷大儀小儀之不愆吾從先進五惇五庸  
之克舉汝作秩宗茲以覃恩授爾爲承德郎錫之  
勅命於戲夫爾廉吏也位司清則儲澄澹以致用  
且幹臣也居仙闥則能養靜定以匡時策爾前途  
以需大受勉茲良季母遜難兄欽哉

制勅房辦事中書舍人禮部儀制司主事王

世美

鳳閣高華螭頭秘密贊絲綸者俊彥資載筆者清流宜酬近勞用普申錫爾制勅房辦事中書舍人禮部儀制司主事王世美風標穎秀器韻端恭箕裘擅譽于一毛翰墨蜚聲于奕葉通輶軒于絕域考支派于天潢簪筆而記御屏左圖右史修槩而宣王命入綉出綸爰襄事于鼎湖遂依光于瞳日惟勤惟慎對揚居筆墨之先在朝在宮供奉出丹鉛之外禮樂吾從夫先進寅清汝作乎秩宗是惟吉人宜頒寵錫茲授爾爲承德郎錫之勅命夫爾世其家猷升茲華貫毋恃地望而溺于簡毋侈門風而飾于靡立德立名善繼善述以贊襄予左右予且有厚畀焉欽哉

兵部車駕清吏司員外郎惲厥初

朕惟駕部之職叅掌公車飾輿衛而修皇儀核遞傳而調馬力非明略不足以消萌非介持不足以裁濫能其官者吾寵畀之爾兵部車駕清吏司員外郎惲厥初風格峻整識度淵停問俗輶軒風俗

山川視諸其掌持衡闡棘驂騶駮駟盡入彀中爰  
晉郎闈聿司馬乘而爾能精心組練強執簡稽符  
繻不濫于四方銜轡時調于六御至于沉先開務  
箸籌九塞之情形敏以當機手畫四征之利害光  
贊旣隆于圻父恩酬宜沛于戎帷是用授爾爲奉  
直大夫錫之誥命於戲方今內弛于翫而士馬天  
府之不供外苦于徇而繹騷民間之時有倘事事  
按其故實將人人去其奸私馬力旣餘國威亦振  
於以緝熙九伐不其休歟欽哉

兵部車駕清吏司員外郎俞彥

朕惟皇人威儀戒先輿衛民間馬力飭在郵傳夏  
官卿屬有專司下大夫實綜其務銷萌裁濫識力  
兼需孰能其官以歸宿望爾兵部車駕司員外郎  
俞彥學兼忠孝品具清和繡虎名重于洛中屠龍  
技高于輦下三公不易其養日一第於我如浮雲  
供菽水者十六年樂煙霞而幾半世國論難其邁  
退朝廷簡在戎帷乃晉郎班聿司馬乘而爾寧靜  
中本饒強執符繻不濫于四方澹泊內實裕精詳



寶田堂初集卷之二十一  
四三  
銜轡時調于六御謹鎖鑰于輦轂克詰戎兵奠金  
湯于苞桑慎固封守指縱何難于九塞張皇可寄  
乎四征是惟素心之人作我戮力之佐茲授爾爲  
奉直大夫錫之誥命於戲人惟無忘所生而後可  
以報君父人惟不愛官爵而後爲能急國家朕方  
思圻父若保登進郎官爾無言疑是馬曹不譚功  
實用需大受以竟厥施欽哉

兵部職方清吏司員外郎孫學詩

朕簡推將毅諮決戎機大司馬董六師之成下大

夫襄九圻之事修能克舉盛典宜敷爾兵部職方  
清吏司員外郎孫學詩清不近名學求有用橫經  
東海諸生半在其門領鐸北均多士并入其室旣  
贊秩宗之幕旋參銓敘之班進圖說則鄭監門籌  
邊塞則晁家令登高能賦遇事敢言借爾詩書禮  
樂之良以贊董正張皇之務而爾整肅都甸必飭  
干楨襄圻父之爪牙謹國門之鎖鑰茲用覃恩授  
爾階奉直大夫錫之誥命屬者東氛正熾西訌未  
寧萍飄未奠于畿南烏集易譁于輦下圖諸未兆

繫爾慎防勉副前籌用禪申畫欽哉

刑部江西清吏司主事李思敬

惟明克允象以典刑何擇非人惟良折獄旣得忠  
貞之胤允稱慈惠之師宜渙明綸以酬良吏爾刑  
部江西清吏司主事李思敬鳳池一毛鹿鳴上選  
青雲由其獨步爲箕爲裘赤縣畀以專城稱父稱  
母旣縮邑符于京兆旋分獄篆于鳩司而爾家學  
嫻于引經折衷比律才華長于飾治平反爰書旣  
伏念乎得情允求生于論報辟以止辟朕方哀矜

庶獄之不辜刑期無刑爾且視乃烈祖而無怠茲  
授爾爲承德郎錫之勅命夫爾昔爲慈母今爲法  
官且以世臣長我王國弼嘉師以祥刑一人有慶  
寧好生于風動時乃之休欽哉

刑部山西清吏司員外郎潘永澄

朕惟畫象而治天下何擇非人齊禮以康兆民惟  
良折獄况此廉明之長允稱慈惠之師宜渙明綸  
以酬良吏爾刑部山西清吏司員外郎潘永澄噐  
識端凝風猷弘雋讀書能通世務爲政不尚虛名

寶日堂初集 卷之二十一 四十五  
當夫縮綬三刀運斤一割而膏雨其河流比潤壺  
水同濟水長清蔽召芾稱郡循良歌曹風作民父  
母簡之州伯昇以祥刑而爾旣明而清亦勤以畏  
不獨引大義能折衷比律亦且本至仁而平反爰  
書朕方哀矜庶獄之不辜辟以止辟爾則伏念要  
囚之不蔽刑期無刑茲以覃恩授爾階爲奉直大  
夫錫之誥命於戲爲律爲令奉國法乃以尊朝廷  
疑重疑輕畏高明必至虐熒獨爾旣民牧而作天  
授惠我嘉師朕藉正人而立準人壽茲王國欽哉

刑部山西清吏司主事張春

古之司寇亦稱準人夫準以象平也平心則聽公  
平氣則聽靜故朕簡廉能之長以領其司有能厥  
官宜加寵錫爾刑部山西清吏司主事張春敏識  
卓有沉幾清操兼饒弘幹占西京之桂籍領東海  
之花封野有歸鴻疲民普霑其愷懌市無寇虎豪  
猾共懾其威明長揖歸廬高節邁聊城一矢拂衣  
就養清風留棠縣萬家衆舉其賢俾作鎬京之蘇  
寇予嘉乃德徵爲法地之臯陶惟爾平以無冤刑

寶日堂初集卷之二  
人有不忍人之色矜而弗喜執法存不盡法之心  
慰我好生賴茲弼教茲以覃恩授爾爲承德郎錫  
之勅命夫今日政壞姑息而國典不尊恩窮好生  
而民情不服若令法遵畫一將三尺柄于星懸自  
然今下如流何四方不歸風動期爾提衡國憲寧  
獨惠我嘉師欽哉

刑部貴州清吏司主事張其孝

朕惟式敬爾獄明刑期于無刑何擇非人民牧乃  
作天牧旣得廉仁之選宜宣綸袞之褒爾刑部貴

州清吏司主事張其孝風襟溫粹才識茂明擢自  
賢書試于吏譜而爾恩宣五袴清凜四知拔薤灑  
湛露于花封樹棠賁春暉于棣萼以爾慈惠之長  
家學能飾爰書以爾忠信之良才猷能決比律拔  
自循良之等遂升亭讞之曹而爾明清單辭哀矜  
庶獄能讀書者讀律小大必中用守道者守官威  
富用訖旣求生于論報惠我嘉師更伏念乎得情  
作民元命茲授爾爲承德郎錫之勅命於戲法以  
止暴而舞法爲奸經以斷獄而泥經滋害今柔民

寶鼎堂初集卷之二十一  
四七  
陷網開釋謂何若宿猶幸生審聽何在勿辟勿宥  
惟爾之中務廣明德以動虞風亦播祥刑而長國  
脉欽哉

刑部山東清吏司員外郎朱大典

惟明克允爰資慈惠之師何擇非人必求忠信之  
士國今旣當夫更始朝恩宜渙以惟新爾刑部山  
東清吏司員外郎朱大典載其潔清雅有體望選  
于造士 溪生桃李之春風俾作端師壁水溥菁  
莪之化雨朕多其文學能飾爰書取其引經能決

比律而爾哀矜庶獄明清單辭祛戎蠹而世弁恩  
霑清占役而周廬備肅凡參大小將吏之獄悉持  
輕重出入之平方當報政之期復際覃恩之慶茲  
授爾爲奉訓大夫錫之誥命夫刑官古稱準人而  
典獄惟作天牧準以象平牧以象生也惟平惟生  
而例以成焉萬事繫爾爲督繩萬物藉爾爲陽春  
矣勉茲令德用邁相我國家朕不止以三尺吏待  
爾也欽哉

刑部廣東清吏司員外郎項夢原

寶日堂初集卷之二十一  
朕思象服畫冠以治天下道德齊禮以康兆民慎  
簡哲人敬爾由獄旣得明清之選宜宣綸袞之褒  
爾刑部廣東清吏司員外郎項夢原學術精深詞  
華絢麗人倫妙選甲第上流筮仕雲司惟作天牧  
而爾推文章之餘緒潤飾爰書引經義之精詳折  
衷比律允求生于論報更伏念于得情旣明而清  
亦勤以畏種德不愧烈祖活人媲美難兄惠我嘉  
師稱爲良士茲授爾爲奉直大夫錫之誥命於戲  
庶期無刑士師允而虞風動辟以止辟司寇敬而  
周脉長爾尚益廣我好生之施我寧直倚爲祥刑  
之吏欽哉

國

新編  
卷之三

四

